

## 原序

吾聞國有紀邑有志家有譜其義一也譜者何所以  
考源流明世次別疏戚贅併所自出而長先烈啟後  
昆之意亦具乎其中故凡世臣巨族之家皆有譜非  
有良子孫莫能舉而修之也星沙陳氏自厥祖 端  
由江州徙於斯迄今三十七世人文蔚起簪纓纍纍  
爲王國楨幹膠庠佳士指不勝屈卽力田服賈輩亦  
言行不苟孝弟循謹其山川之秀風俗之美祖宗積  
德累仁之貽如此陳氏舊有譜牒修於勝國成化庚  
子歲今將三百餘年宗支日益繁裔孫日益盛恐其

年信乎德澤汪洋見萬世如一日而迎休倡咎則存  
乎其人耳伏讀漢太邱公實宋江州處士競行業懋  
著無忝神明之胄我族固代有聞人矣夫族者祖宗  
之遺卽世遠支繁祖宗之心視之則一也後人當體  
祖宗之心以盡親親之情貴思敦睦之誼以保其族  
於無窮惟善保其族者可以世家善保其身者可以  
承年而齊家之道又在禮義詩書上者附籍青雲顯  
揚先世次者敦尚行誼取重鄉評又次者遠於俗輩  
循循雅飭恪守詩禮之傳尊卑長幼驩然相愛取先  
人訓文講譜中條約共勸勉勉繩繩繼武有光斯牒

云爾

乾隆十四年己巳歲冬月吉日

## 原序

譜之飭也何爲哉所以尊祖敬宗辨名定分敦倫睦族者也余族自軫公相楚封爲潁川侯至五十五世孫端公相唐有功勅封威烈鎮守潭州勳在王室名垂青史肇基於星沙霧陽鄉建香火堂於巖石衝福壽莊名曰福壽寺越後團公十一子分析義門莊業亦仍茲土故將巖石衝改名斂田衝福壽寺改爲斂田祠自是以來人丁繁衍衣冠羅列已歷九百年矣雍正甲寅年族長遠猷等繼修族譜以斂田香火較遠始建祠宇於省垣北門乾隆己巳年族眾開明等

世次疏遠將混而弗辨且昧其所自出之光大而不知圖繼也則因舊譜重修以貽後人不忘其所自而凡支派尊卑名號官爵生卒葬祭燦然畢具而不違正其差訛增其未備今已成編千余一言以識之余曰譜者其所係甚鉅苟非仁人志士鮮克以此是務故因其請書數言以弁其端是爲序

雍正十二年甲寅歲秋月吉日

賜進士出身文林郎知湖直隸靖州會同縣事加

三級紀錄二次劍水年家看弟袁守定拜撰

原序

嘗聞古今巨族譜牒各藏不朽所以爲奠世系不忘  
宗本之意也余族丁繁派衍因於國朝雍正十二年  
甲寅歲族眾公捐纂修譜牒業已告成祇因纂修現  
丁未能重修舊牒故今復加續修余稽舊譜本軒轅  
之後傳八世而生舜帝舜生丁卯年至今盛世乾隆  
己巳歲計四千餘年矣舜生商均至潁川侯軫七十  
八世自潁川侯至今開字派又八十八世縣延若此  
是我先人之孝弟格頑化傲有感於天人者久而  
彰之誠謂盛德之後必百世祀我祖舜帝祀近數千

重纂譜牒所載世系甚詳繼緣首其事者心志不一復於吉祥巷別立新祠一時厭故喜新者羣遷主而隨之其恪守先人舊業者則今日續修家乘之嗣孫輩也今日者簪纓縉笏雖稍遜於前人而追念乎一堂星聚十世同居先型秩然具在蓋莫不瞿然而思奮然而起焉惟是少壯崢嶸人心不古繼繼承承不無低昂之見源源本本難免倫敘之淆不修明而編輯之甯不遠而彌差乎茲幸老成猶在原牒可稽不患考據無由因思急爲編輯嘉慶癸酉冬至少長咸集爰倡斯議莫不踴躍相從甲戌春仲搜羅鄉曲齊

詣宗祠糾工匠備棗梨其殘缺者補之失次者序之  
信者詳之疑者闕之勘校既明條縷各晰而本支昭  
穆生沒存葬井然可觀閒存前無所承後無所繼者  
亦必注實不敢意爲首尾所以傳信後人俾無遺憾  
也其次序之分定字別派相承勿替則祖宗雖居百  
世之上子孫無不似續於百世之下矣謹著十訓議  
立十條授之梓人刷印五十部編立字號各房註名  
領收一展牒而昭穆釐然尊卑有序恍然見本源之  
不昧世澤之彌新焉是爲序

嘉慶十九年歲次甲戌孟夏月穀旦

闔族嗣孫公撰

續序

我族自威烈將軍官潭州立業長沙霧陽鄉爲始遷祖由唐迄今歷世逾四十歷年逾九百經累朝興革而子若孫猶得世其井里不可謂非祖澤之畱遺孔厚矣爲子孫者固宜延世系尤宜篤宗親宗親之篤莫重於譜譜也者窮源溯流分支別派定昭穆而序尊卑也禮曰尊祖故敬宗敬宗故收族瓜絰椒衍一脈相承均於譜焉系之粵稽穀公以朝散大夫辭組歸糾修族譜踵其事者則有元之孟瑞公前朝正德十四年增修者則有思文公成化萬歷間復因原本

重加編輯至我朝雍正十二年甲寅族以鄉祠寫遠  
改建祠於省垣之北門旋舉舊牒而重纂之嗣是補  
修於乾隆之十四年己巳續修於嘉慶之十九年甲  
戌今又四十餘年矣沐天地覆載生成之德國家重  
熙累洽之休繼繼承承添丁又不下以千計恐後此  
丁愈繁緒愈紛遂糾合族眾而更修之是役也易直  
列爲橫編更仿范式以派相次其系有蘇之密而無  
其支離其序有歐之詳而無其瑣碎較之舊譜更爲  
簡當庶使閱者一見瞭然所以收族者在是所以敬  
宗者在是所以尊祖者亦在是矣至我先人之德

善功烈炳炳麟麟固人所共知者無容贅

咸豐十一年歲次辛酉季夏月穀旦

闔族嗣孫公撰

## 續序

我族之綿衍於湖湘也自朝禕公諱端宦潭州始先世隸籍江州德安縣至端公由進士官招討使唐僖宗時以征黃巢有功授武安節度使加封威烈將軍官鎮潭州年老解組遂家於長沙霧陽鄉世居金鏗大塘越唐宋元明四朝以迄國朝定鼎兵燹迭經其猶得子子孫孫支分派別以至於今者賴有家乘以傳之則族譜之修曷可少哉夫族之有譜所以敦本睦族也族雖有遠近親疏之不同要其本源則一故

務使血脈相貫痾癢相關焉否則譜系不明將有親  
未絕而遂不相識者矣慨自潢池弄盜滄海橫流鐵  
馬金戈所在蹂躪其名門巨族轉徙流離致令老譜  
散佚世次不明者不可枚舉而我祠譜牒溯源追始  
考其世系昭穆朗然洵由祖澤之綿長以至於斯  
也粵稽譜牒之修可知者始自朝散大夫穀公厥後  
則有元之孟瑋公明之思文公至國朝則有遠猷開  
明公重纂甚詳繼緣董事志願不符由北門祠分建  
吉祥巷新祠而鄉間又創立效祠不一於是行第因  
之而改亦舍舊派而從新焉我祠自雍乾嘉道以迄

咸豐辛酉中間補修續輯凡生沒存葬校勘甚明越  
今又三十餘年矣子旣生子孫復生孫曰今紅丁又  
不下二千餘計儻不踵而增修之恐後此丁愈繁而  
紛無所紀已沒者墳墓莫攷現存者尊卑誰辨我朝  
以仁孝治天下吾族幸際重熙涵濡沐浴水木之思  
自感發於不容已爰商之族眾舉舊帙而增修之加  
以條規凡例所添丁數均依舊譜程式照稿登載自  
端公以下至學派止前以世派圖爲經後以世次圖  
爲緯庶使閱者溯所自出一目了然譜成用鈐記其  
計總譜若干冊支譜若干冊發各房分領俾世世子

孫祭掃則確然矧墳墓之所在宴會則肅然於尊卑  
之難踰從此瓜縣椒衍卜吾族之振興未艾也是舉  
也倡始於癸巳冬告竣於甲午秋當夫按丁捐費族  
之之人無不懽欣鼓舞用觀厥成亦可見敬宗收族  
有同心云若夫光前裕後踵而行之似而續之且能  
創置義田義塾振起人文是惟賢而有才者俾末益  
大乎其本流益盛乎其源尤我祖若宗之所深望  
於子孫者則又俟之他日焉是爲序

皆

清光緒二十年甲午季秋月

闔族公譔